

BI ETA HIRU URTEKOEN GELAKO LAGUNTAILEAK
2020-2021

Matrikulazio-epea amaituta eta gure eskoletan familia berriak behar bezala informatzeko asmoarekin, informazioa eta hainbat gomendio helarazi nahi dizkizuegu.

- Bi eta hiru urteko haurren geletan irakaste-ordutegian diharduten laguntzaileak **EZ dira Hezkuntza Sailaren mendekoak.**
- **Hezkuntza Sailaren ardura da baliabideak ikastetxeetara bidaltzea.**
- **2 urteko** gelei dagokienez, bidaltzen diren baliabideak uztailaren 6ko 185/2010 Dekretuaren 24. Artikuluan agertzen dira. Bertan jasotzen denez, ikastetxeko talde bakoitzak tutore bat izateaz gain, **bi urteko geletan laguntzeko berariazko kreditu bat esleitzen da:**
 - 1 edo 2 unitate (ikasgela) dituzten eskolek irakasle erdi bat gehiago izango dute.
 - 3 edo 4 unitate (ikasgela) dituztenek, irakasle bat gehiago.
 - 5 unitate (ikasgela) dituztenek, irakasle eta erdi gehiago.

Kreditu gehigarri bat esleituko zaie **2 eta 3** urteko ikasleen haur-hezkuntzako ikasgela asko dituzten ikastetxeei, honela:

- 5 edo 6 ikasgela dituzten eskolei, irakasle erdi bat gehiago.
- 7 gela edo gehiago dituzten eskolei, irakasle bat gehiago.

Baliabide horiek 2 urteko gelak emateko erabili behar dira.

- **3 urteko** gelei dagokienez, 2018ko martxoaren 14an Eusko Jaurlaritzak eta CCOO, LAB, STEILAS, UGT sindikatuek akordio bat sinatu zuten, 3 urteko geletako irakasleen plantillak indartzeko.

Ikastetxeko talde bakoitzak tutore bat izateaz gain, ratioak batez beste **20 ikasle baino gehiagokoak** badira, langile osagarriak esleituko dira, honako irizpide hauen arabera:

- 1 edo 2 unitate (ikasgela) dituzten eskoleek irakasle erdi bat izango dute .
- 3 edo 4 unitate (ikasgela) dituztenek, irakasle bat gehiago.
- 5 unitate (ikasgela) dituztenek, irakasle eta erdi gehiago.

Neurri hori 18-19 ikasturtean martxan jarri zen.

Gogoratu

- Ez OOGek ez ikastetxeko zuzendaritzak ez dute erabakitzeke edo kontratatzeke eskubiderik. **Ez da derrigorrezkoa IGEak bi urtekoen gelentzako laguntzaileak kontratatzea.**
- Kontratazioa egin arren, **ezin dira familiak ordaintzera behartu.** Elkartearen betebeharra da ordaintzea derrigorrezkoa ez dela jakinaraztea. Edozein familiak uko egin diezaioke ordaintzeari.
- Laguntzaileen kontratazioak egiten diren eskola gehienetan **IGEEK** egiten dituzte, eta, beraz, horren ondoriozko arazo guztien **erantzule** dira.
- Ordainketak ez egitearen edo berandu egitearen ondorioz, **elkarte asko egoera sostengaezin** batera iristen ari dira, **eta haiekin batera bazkide guztiak.** Une horretan elkarteko kide ez diren familiei edo hurrengo urtean ikastetxea utziko dutenei zerbitzu bat ematen ari dira ikastetxeak kasu batzuetan.
- **Elkarteetako asanbladek ezagutu eta onartu behar dituzte** kontratazio-baldintza guztiak (kontratuen amaiera-datak, luzapenak, etabar).
- Egoera hau Bizkaian bakarrik ematen da. Familiek ez dute laguntzailerik kontratatzen ez Gipuzkoan ez Araban, eta Bizkaian adina baliabide dituzte.
- **Arartekoak**, 2014ko martxoaren 6an, gomendio hau egin zion Hezkuntza, Hizkuntza Politika eta Kultura Sailari: **«Ez ditzala baimendu hezkuntza-administraziokoak ez diren langile laguntzaileak Sailaren mendeko ikastetxeetako bi urtekoen geletan edo, bestela, baliabide horiek, bere langileak erabiliz, Saileko ikastetxeetako bi urtekoen gela guztietara hedatu ditzala».**

Gomendioak

- Ez kontratatu laguntzaileak IGEren kontura eta eskatu Administrazioari beharrezko baliabideak.
- Eskatu ikastetxeko zuzendaritzari bi eta hiru urtekoen gelako familia berriei ikasturte-hasierako bileran argi azaltzeko ez dela derrigorrezkoa laguntzaileak ordaintzea.
- Galdetu zer kontratazio mota (berritzeko baldintzak, baldintza ekonomikoak, iraupena, mugak...) dagoen zuen ikastetxean. Batzutan, kontratuak automatikoki berritu dituzte.
- Azaldu elkartearen asanbladan kontratazioei buruzko informazioa eta honek erabaki dezala kontratazio hori egitea beharrezkoa den ala ez.

Informazio gehiago nahi baduzue edo gaiari buruzko zalantzaren bat argitu nahi baduzue, jarri harremanetan BIGErekin. bige@bige.eus . 94169360